



Broj: 06-1-07-1-1340-1/22

Sarajevo, 04.08.2022. godine

Na osnovu člana 2.9 stav (1) tačka 4. i 17. a u vezi s članom 3.15. stav (3) Izbornog zakona Bosne i Hercegovine ("Službeni glasnik BiH", br. br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20 i 38/22) i člana 31. i 33. Pravilnika o upotrebi i izradi izvoda iz Centralnog biračkog spiska („Službeni glasnik BiH“, br. 27/22), Centralna izborna komisija Bosne i Hercegovine je na 37.sjednici, održanoj 04.08.2022 godine, donijela:

### O D L U K U

- (1) Upisuju se u Centralni birački spisak i u izvod iz Centralnog biračkog spiska za glasanje izvan Bosne i Hercegovine za Opće izbore 2022. godine, **1.309** izbjeglih osoba.
- (2) Sastavni dio ove odluke je tabela sa podacima osoba koje se upisuju u Centralni birački spisak.

### O b r a z l o ž e n j e

Izbjegle osobe podnijela su Centralnoj izbornoj komisiji BiH u propisanom roku putem online portala e-Izbori za elektronsku prijavu birača za glasanje izvan Bosne i Hercegovine prijavu za upis u Centralni birački spisak izbjeglog lica i u izvod iz Centralnog biračkog spiska za glasanje izvan Bosne i Hercegovine za Opće izbore 2022. godine, te prateću dokumentaciju.

Članom 3.15 stav (3) Izbornog zakona BiH propisano je da izbjeglo lice iz BiH koje se ne nalazi u Centralnom biračkom spisku, da bi bilo upisano u Centralni birački spisak i time ostvarilo biračko pravo u skladu sa ovim Zakonom, dužno je podnijeti prijavu Centralnoj izbornoj komisiji BiH. Uz ispunjenu prijavu, koju potpisuje, podnosilac prijave prilaže i: a) dokaz o identitetu podnosioca prijave, b) dokaz o državljanstvu Bosne i Hercegovine, c) dokaz o promjeni prebivališta u Bosni i Hercegovini u skladu sa članom 20.8 ovog Zakona, d) podatke o tačnoj adresi u inostranstvu.

Centralna izborna komisija Bosne i Hercegovine je u postupku provjere dokaza priloženih uz prijavu, utvrdila da su lica navedena u dispozitivu odluke dostavila svu neophodnu dokumentaciju i podatke kojim se dokazuje ispunjavanje uslova iz člana 3.15 stav (3) Izbornog zakona Bosne i Hercegovine, a u skladu s odredbama člana 31. stav (2) i (3) Pravilnika o upotrebi i izradi izvoda iz Centralnog biračkog spiska.

Članom 3.15 stav (6) Izbornog zakona BiH propisano je da ako ispuni propisane uslove iz stava (1), (2) i (3) ovog člana, podnosilac prijave nalazit će se u izvodu iz Centralnog biračkog spiska za glasanje izvan BiH.

Na osnovu naprijed navedenog i činjenice da podnosioci prijave iz dispozitiva ove odluke ispunjavaju uslove propisane članom 3.15 stav (3) Izbornog zakona BiH, Centralna izborna komisija BiH je na osnovu člana 2.9 stav (1) tačka 4. i 17. Izbornog zakona BiH odlučila kao u dispozitivu ove odluke.

**PRAVNA POUKA:** Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana prijema ove odluke, koju Centralna izborna komisija Bosne i Hercegovine dostavlja putem elektronske pošte ili faks aparata.

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251-329, elektronskom poštom na e-mail [info@izbori.ba](mailto:info@izbori.ba) ili lično u sjedištu Centralne izborne komisije BiH, Ulica Danijela Ozme broj 7 Sarajevo.

